

NACRT

Na osnovu člana 12. i 21. Zakona o lokalnoj samoupravi USK («Službeni glasnik Unsko-sanskog kantona» broj: 8/11), člana 24. stav.1. Zakona o unutrašnjoj trgovini («Službene novine Federacije Bosne i Hercegovine», broj:40/10 i 79/17), člana 11. stav. 2 Zakona o ugostiteljskoj djelatnosti («Službene novine Federacije Bosne i Hercegovine» broj: 32/09), člana 40. Zakona o obrtu i srodnim djelatnostima («Službene novine Federacije Bosne i Hercegovine» br.: 35/09 i 42/11), i člana 23. stav 1. Statuta općine Ključ («Službeni glasnik općine Ključ», br.:3/10 ,3/11), Općinsko vijeće općine Ključ, na svojoj IV sjednici, održanoj dana _____2021.godine, d o n o s i

O D L U K U

o utvrđivanju radnog vremena u ugostiteljskoj djelatnosti, djelatnosti obrta i srodnih djelatnosti , trgovinskoj djelatnosti, igara za zabavu i igara na sreću na području općine Ključ

I - OPĆE ODREDBE

Član 1.

Ovom Odlukom utvrđuje se okvirno radno vrijeme i raspored radnog vremena u ugostiteljskoj djelatnosti, djelatnosti obrta i srodnih djelatnosti , trgovinskoj djelatnosti, igara za zabavu i igara na sreću.

Član 2.

Pravna i fizička lica koja obavljaju djelatnosti navedene u članu 1. ove Odluke dužni su da donesu Odluku o rasporedu radnog vremena pridržavajući se pri tome rasporeda radnog vremena utvrđenog ovom Odlukom.

Član 3.

Pravna i fizička lica koja obavljaju djelatnost iz člana 1. ove Odluke dužni su istaknuti obavijest o radnom vremenu na vidnom mjestu na ulazu u poslovne prostorije.

Član 4.

(1)Radno vrijeme objekata u kojima se obavljaju djelatnosti iz člana 1. ove Odluke raspoređuju se na ljetni i zimski vremenski period.

(2)Ljetni vremenski period traje od 01.aprila – 30. septembra.

(3)Zimski vremenski period traje od 01. oktobra tekuće do 31. marta naredne godine.

II - RADNO VRIJEME UGOSTITELJSKE DJELATNOSTI

Član 5.

Radno vrijeme ugostiteljskih objekata određuje se:

(a) u zimskom periodu od 06-23 sata, vikendom (petak i subota) i praznicima od 06 – 24 sata

(b) u ljetnom periodu od 06-24 sata vikendom (petak i subota) i praznicima od 06 – 01 sat narednog dana

(c) u periodu od 20.12. do 10.01. i od 01.07. do 31.08. , za vrijeme državnih, međunarodnih i vjerskih praznika i 7 dana prije i poslije Uskrsa produžuje se radno vrijeme za jedan (1) sat.

Član 6.

Radno vrijeme ugostiteljskih objekata iz skupine barovi (noćni klub, noćni bar, disco bar i disco klub), koji u skladu sa važećim propisima rade noću određuje se kako slijedi:

- a) Za noćne klubove i noćne barove:
 - u zimskom periodu od 16-24 sata,
 - u ljetnom periodu od 17 sati tekućeg do 01 sat narednog dana,
 - vikendom (petak i subota) i praznicima od 18 sati tekućeg do 02 sata narednog dana.
- b) Za disco barove i disco klubove određuje se radno vrijeme od 19 sati tekućeg do 03 sata narednog dana.
- c) u periodu od 20.12. do 10.01. i od 01.07. do 31.08. , za vrijeme državnih, međunarodnih i vjerskih praznika i 7 dana prije i poslije Uskrsa produžuje se radno vrijeme za jedan (1) sat.

Član 7.

Radno vrijeme ugostiteljskih objekata (saloni za posebne prilike, restorani i discoteke) u kojima se organizuju svečanosti i zabave (maturalna zabava, svadba, proslava godišnjica, kulturni program i sl.), uz prethodno pribavljenu saglasnost od Policijske stanice Ključ, određuje se od 19 sati tekućeg do 05 sati narednog dana.

Član 8.

(1) Izvođenje žive ili emitovanje muzike putem akustičnih uređaja u zatvorenom prostoru će se provoditi u okviru propisanog radnog vremena u skladu sa članom 16. Zakona o zaštiti od buke („Službeni glasnik Unsko-sanskog kantona“ broj:3/13).

(2) U svim gostiteljskim objektima iz člana 5. i 6. ove Odluke zabranjeno je izvođenje žive muzike i emitovanje muzike putem akustičnih uređaja na otvorenom prostoru (otvorene i zatvorene bašte) poslije 23 sata, a u periodu od 01.07. do 30.08. poslije 24 sata.

(3) Korištenje akustičnih uređaja (za emitovanje muzike i govora) na otvorenom prostoru dozvoljeno je do 23 sata ako nivo buke ne prelazi propisane nivoe i ako imaju ugrađen ograničavač (limiter) nivoa reprodukcije zvuka propisanih Zakonom o zaštiti od buke („Službeni glasnik Unsko-sanskog kantona“ broj:3/13).

(4) Zahtjev za izdavanje odobrenja za držanje muzike uživo u toku sedmice podnosi se najkasnije dva dana prije termina držanja muzike uživo a ukoliko se muzika održava vikendom najkasnije do četvrtka. Ukoliko će se u toku mjeseca muzika uživo izvoditi u više termina, rješenja će se izdavati sedmično.

(5) Uz zahtjev potrebno priložiti sljedeću dokumentaciju:

- Ugovor potpisan sa izvođačem muzike,
- Dokaz o uplati komunalne takse,
- Dokaz od Policijske stanice Ključ da u prethodnom periodu nije bilo narušavanja javnog reda i mira u ugostiteljskom objektu.

Član 9.

Radno vrijeme ugostiteljskih objekata koji pružaju usluge noćenja (radno vrijeme prijemnog hola – recepcije) određuje se od 00 do 24 sata.

Član 10.

Ugostiteljski objekti svih vrsta, koji posluju u sklopu objekata, autobuske stanice, benzinskih pumpi, gradske tržnice ili pijace, posluju u radnom vremenu objekata u kojem se nalaze.

III - RADNO VRIJEME DJELATNOSTI OBRTA I SRODNIH DJELATNOSTI

Član 11.

Radno vrijeme objekata u kojima se pružaju zanatske usluge, određuje se od 07 do 20 sati u ljetnom periodu i od 07 do 19 sati u zimskom periodu, osim u industrijskoj zoni.

IV – RADNO VRIJEME OBJEKATA ZA PRIREĐIVANJE IGARA ZA ZABAVU I IGARA NA SREĆU

Član 12.

Radno vrijeme objekata u kojima se priređuju igre na sreću (kasino, igre na sreću na automatima i kladioničke igre), određuje se od 08 do 22 sata.

Član 13.

(1) Radno vrijeme objekata u kojima se priređuju zabavne igre (igre na računarima, simulatorima, video-automatima, fliperima, pikado, bilijar i sl.), određuje se od 08 do 24 sata u ljetnom periodu i od 08 do 23 sata u zimskom periodu.

(2) U slučaju kada se zabavne igre iz stava (1) ovog člana priređuju u ugostiteljskom objektu, isti posluju u radnom vremenu objekta u kojem se nalaze.

V – RADNO VRIJEME TRGOVINSKIH DJELATNOSTI

A - TRGOVINA NA MALO , MINIMARKETI (SAMOPOSŁUGE) I HIPERMARKETI

Član 14.

(1) Radno vrijeme trgovine na malo, minimarketi (samoposluga) i hipermarketi rade u ljetnom periodu od 07 do 21 sata , a u zimskom od 07 do 20 sati.

(2) Radni vrijeme nedeljom je od 07 do 12 sati.

(3) Neradni dan je 1. dan državnog, međunarodnog i vjerskog praznika i to na dan kada pada praznik

(4) Izuzetno od odredbi iz stava (1) ovog člana trgovine na malo , minimarketi (samoposluge) i hipermarketi koji ne mogu obezbjediti neprekidno radno vrijeme mogu raditi dvokratno.

B - OSTALI PRODAJNI OBJEKTI

KNJIŽARE

Član 15.

Knjižare rade svakim radnim danom od 07 do 20 sati.

KIOSCI ZA NOVINE

Član 16.

- (1) Kiosci za novine rade svakim radnim danom u ljetnom periodu od 07 do 21 sata , a u zimskom od 07 do 20 sati.
- (2) Radni vrijeme nedeljom je od 07 do 12 sati..
- (3) Neradni dan je 1. dan državnog, međunarodnog i vjerskog praznika i to na dan kada pada praznik.

MESNICE

Član 17.

- (1) Mesnice rade svakim radnim danom u ljetnom periodu od 07 do 21 sata , a u zimskom od 07 do 20 sati.
- (2) Radni vrijeme nedeljom je od 07 do 12 sati.
- (3) Neradni dan je 1. dan državnog, međunarodnog i vjerskog praznika i to na dan kada pada praznik.

PRODAVNICE AUTODIJELOVA – STOVARIŠTA I BENZINSKE PUMPE

Član 18.

- (1) Prodavnice autodijelova rade svakim radnim danom od 07 do 19 sati.
- (2) Prodavnice građevinskog materijala (stovarišta) rade svakim radnim danom od 07 do 19 sati.
- (3) Benzinske pumpe rade svakim danom non – stop.

TRŽNICE

Član 19.

- (1) Pijaca u Ključu radi jednom sedmično i to subotom od 06 do 14 sati, a pijaca u Sanici utorkom od 06 do 14 sati.
- (2) Ukoliko državni praznik pada u subotu ili utorak pijaca se pomjera na dan prije praznika.

Član 20.

Nadležni Općinski organ može utvrditi radno vrijeme za prodaju roba izvan prodavnice (tržnice, sajmovi, izložbe itd.), ako se za to ukaže potreba.

APOTEKE

Član 21.

- (1) Apoteke rade svakim radnim danom od 07 do 20 sati, a nedjeljom i u dane državnih praznika su dužne odrediti dežurstvo u roku od 30 dana od dana stupanja na snagu ove Odluke i dostaviti ga Jedninstvenom općinskom organu uprave Ključ.
- (2) Ukoliko u datom roku ne postupe u skladu sa stavom (1) ovog člana Općinski načelnik može radi osiguranja neophodne opskrbe građana, odrediti apoteke koje su dužne raditi nedjeljom i u dane državnih, međunarodnih i vjerskih praznika.

VI – OGRANIČAVANJE RADNOG VREMENA

Član 22.

Ako se obavljanjem ugostiteljske, trgovinske, obrta i srodne djelatnosti, trgovinske djelatnosti i djelatnosti igara za zabavu i igara nasreću uznemiravaju građani koji rade ili stanuju u susjedstvu Općinski načelnik će putem nadležne službe, po prethodno pribavljenom mišljenju Policijske stanice Ključ ograničiti radno vrijeme do 4 sata od propisanog radnog vremena minimalno na dva mjeseca pridržavajući se sljedećih kriterija:

- a) da je ugostiteljski, obrtnički, trgovački objekat ili objekat u kojem se priređuju igre za zabavu i igre na sreću dio stambeno-poslovne zgrade kolektivnog stanovanja, ili se nalazi unutar objekta za individualno stanovanje, a učestalo se narušava javni red i mir;
- b) da je tokom godine ugostitelj, obrtnik, trgovac ili vlasnik objekta djelatnosti igara za zabavu i igara nasreću najmanje dva puta kažnjavao, pravomoćnim rješenjem nadležnog suda za prekršaje (ili prekršajnim nalogom), zbog prekoračenja dozvoljenog radnog vremena ili narušavanja javnog reda i mira u ugostiteljskom, obrtničkom, trgovačkom objektu ili objektu u kojem se priređuju igre za zabavu i igre na sreću;
- c) da se u ugostiteljskom objektu ili njegovj neposrednoj blizini: učestalo narušava javni red i mir, vrši uživanje i prodaja narkotičkih sredstava i druga društveno negativna ponašanja, o čemu postoje zapisnici i izvješća nadležnih organa;
- d) da se u ugostiteljskom, obrtničkom ili trgovačkom objektu učestalo ne poštuje radno vrijeme, o čemu postoje zapisnici nadležnih organa o povredama ove Odluke.

Član 23.

Za donošenje Rješenja o utvrđivanju kraćeg radnog vremena od propisanog, dovoljno je da se utvrdi ispunjenost jednog od kriterija iz prethodnog člana.

Član 24.

Zahtjev za pokretanje postupka za ograničenje radnog vremena iz prethodnog člana ove Odluke mogu podnijeti: stanari zgrade, Savjet mjesne zajednice, grupa građana (najmanje 15 građana) i Policijska stanica.

Član 25.

(1) Pravno i fizičko lice, vlasnik ugostiteljskog objekta kome je ograničeno radno vrijeme može pokrenuti postupak za ukidanje ograničenja radnog vremena i prije isteka roka do kojeg mu je ograničeno radno vrijeme.

(2) Prilikom odlučivanja o zahtjevu iz prethodnog stava ovog člana potrebno je o istom zatražiti mišljenje Policijske stanice Ključ.

VII - NADZOR

Član 26.

Nadzor nad provođenjem ove Odluke vrše nadležne Kantonalne inspekcije, komunalni redari ili komunalni inspektor i službenici Policijske stanice Ključ.

VIII - KAZNENE ODREDBE

Član 27.

(1) Novčanom kaznom u iznosu od 500,00 do 1.000,00 KM kaznit će se fizičko i pravno lice ukoliko se ne pridržava radnog vremena propisanog članovima 5. - 10. ove Odluke.

(2) Novčanom kaznom u iznosu od 300,00 do 500,00 KM kaznit će se fizičko i pravno lice ukoliko se ne pridržava radnog vremena propisanog članovima 11. - 21. ove Odluke.

IX - PRELAZNE I ZAVRŠNE ODREDBE

Član 28.

Općinsko Vijeće ovlašćuje Općinskog načelnika da može za djelatnosti iz člana 1. ove Odluke posebnom naredbom, u dane praznika, odrediti drugačije radno vrijeme od radnog vremena propisanog ovom Odlukom ako ocijeni da za to postoje opravdani razlozi.

Član 29.

Pravna i fizička lica koja obavljaju djelatnosti iz člana 1. ove Odluke dužna su svoje radno vrijeme uskladiti sa odredbama ove Odluke u roku od 30 dana od dana njenog stupanja na snagu.

Član 30.

Stupanjem na snagu ove Odluke prestaje da važi Odluka o utvrđivanju radnog vremena u ugostiteljskoj , djelatnosti obrta i srodnih djelatnosti, trgovinskoj djelatnosti, igara za zabavu i igara na sreću na području općine Ključ („Službeni glasnik općine Ključ“ broj: 8/14 i 2/20).

Broj: 02-02-_____/21
Datum: _____2021.god

PREDSJEDAVAJUĆA
OPĆINSKOG VIJEĆA

Emina Velić, prof.

Obrazloženje

I - MATERIJALNO PRAVNI OSNOV

Materijalno pravni osnov za donošenje Odluke o radnom vremenu i rasporedu radnog vremena u ugostiteljskoj djelatnosti, djelatnosti obrta i srodnih djelatnosti, trgovinskoj djelatnosti, igara za zabavu i igara na sreću na području općine Ključ, sadržan je u odredbama člana 12. i 21. Zakona o lokalnoj samoupravi USK («Službeni glasnik USK» broj: 8/11), člana 24. stav 1. Zakona o unutrašnjoj trgovini («Službene novine F BiH», broj:40/10 i 79/17), člana 11. stav 2 Zakona o ugostiteljskoj djelatnosti («Sl. novine F BiH» broj: 32/09), člana 40. Zakona o obrtu i srodnim djelatnostima («Sl. novine F BiH» br.: 35/09 i 42/11), i člana 23. Statuta općine Ključ («Službeni glasnik općine Ključ», br.:3/10, 3/11), kojima su propisana prava i nadležnosti Općinskog vijeća da odlučuje o pitanjima koja se uređuju predloženom Odlukom i kojima su propisane obaveze pravnih i fizičkih lica koja u sklopu svoje djelatnosti pružaju usluge građanima, u pogledu organizacije i obaveze pridržavanja rasporeda radnog vremena.

II – RAZLOZI ZA DONOŠENJE ODLUKE

Razlozi za donošenje Odluke o radnom vremenu i rasporedu radnog vremena u ugostiteljskoj djelatnosti, djelatnosti obrta i srodnih djelatnosti, trgovinskoj djelatnosti, igara za zabavu i igara na sreću na području općine Ključ sadržani su u činjenici da je zbog učestalih primjedbi građana bilo neophodno urediti izvođenje žive ili emitovanje muzike na otvorenom prostoru u ugostiteljskim objektima jer se u toku ljetnog perioda u ugostiteljskim objektima izvodi živa ili emituje muzika na otvorenom prostoru (u baštama) u okviru propisanog radnog vremena (do 01h i 02h) čime se remeti noćni odmor i mir građana prekomjernom bukom.

Također, ukazala se potreba i za uređenjem radnog vremena trgovinski radnji nedjeljom i u dane državnih i vjerskih praznika.

III – ODREDBE ODLUKE

Odluka o radnom vremenu i rasporedu radnog vremena u ugostiteljskoj djelatnosti, djelatnosti obrta i srodnih djelatnosti, trgovinskoj djelatnosti, igara za zabavu i igara na sreću na području općine Ključ koncipirana je tako da sadrži devet poglavlja i to: opće odredbe, radno vrijeme ugostiteljske djelatnosti, radno vrijeme djelatnosti obrta i srodnih djelatnosti, radno vrijeme objekata za priređivanje igara za zabavu i igara na sreću, radno vrijeme trgovinskih djelatnosti, ograničavanje radnog vremena, nadzor, kaznene odredbe i prelazne i završne odredbe.

OBRADIVAČ
Komisija Općinskog načelnika

PREDSJEDNIK
Armin Čahut
